



**ԵՐԵՎԱՆԻ ՏԱՐԱԾԱՇՐՋԱՆԱՅԻՆ ԹԻՎ 1 ՔՈԼԵՋԻ ԱՌԱՔԵԼՈՒԹՅՈՒՆԸ,
ՆՊԱՏԱԿՆԵՐԸ ԵՎ ԽՆԴԻՐՆԵՐԸ**

ԱՌԱՔԵԼՈՒԹՅՈՒՆԸ

1. Երևանի Տարածաշրջանային թիվ 1 քոլեջը (այսուհետ՝ Քոլեջ), ինչպես և Հայաստանի շատ քոլեջներ, գտնվում է մեծ մարտահրավերների և փոփոխությունների ժամանակաշրջանում, որոնք պայմանավորված են ժողովրդագրական, տեխնոլոգիական, սոցիալական, տնտեսական և մշակութային բազմազան գործոններով: Քոլեջը չի կարող դիմագրավել այս մարտահրավերներին՝ առանց վերագնահատելու և վերանայելու իր դերը և պատասխանատվությունը, առանց մեծացնելու փոփոխվելու և փոփոխություններին հարմարվելու իր ինստիտուցիոնալ կարողությունը:
2. Լինելով ազգային կրթական համակարգի մի մասնիկ, անհատի մտավոր, քաղաքացիական ու բարոյական որակների ձևավորմանը նպաստող ուսումնական հաստատություն, Քոլեջի հիմնական առաքելությունն է՝ գիտելիքի ստեղծումը, փոխանցումը և տարածումը, սովորողների ազգային մտածելակերպի ձևավորումը, սեփական գործելակերպն ու որոշումները ազգային շահերին համապատասխանեցնելու ընդունակ քաղաքացիների պատրաստումը՝ կրթության զարգացման պետական ռազմավարության շրջանակներում:
3. Ելնելով կրթության բնագավառում պետական քաղաքականության սկզբունքներից՝ Քոլեջը խթանում է իր ուսանողների և դասախոսների մտավոր և անձնային որակների զարգացումը և նպաստում հանրության տնտեսական, սոցիալական և մշակութային կյանքի բարեկեցության բարձրացմանը:
4. Քոլեջը մշտապես ձգտում է գերազանցության և նորարարության ուսուցման, և հանրությանը մատուցվող ծառայությունների ոլորտներում: Որպես իր առաքելության կարևորագույն մաս՝ Քոլեջն ապահովում է նախնական մասնագիտական (արհեստագործական) և միջին մասնագիտական կրթությամբ

որակյալ մասնագետների պատրաստումն ու նրանց մրցունակության բարձրացումն աշխատաշուկայում, կրթական ծրագրերի համապատասխանեցումը երկրի սոցիալ-տնտեսական զարգացման պահանջներին, կրթության բովանդակության միջազգային չափանիշներին համադրելիությունը, ուսումնական գործընթացի թափանցիկությունը, ինչպես նաև մատչելիությունն և հավասարությունը:

5. Կարևորելով և գիտակցելով նախնական և միջին մասնագիտական կրթական համակարգի բարեփոխումների դերն ու նշանակությունը, Քոլեջն առաքելություն ունի նաև հասարակության մեջ ձևավորել գիտելիքի, մասնագետի և կրթության մասին այն արժեքների և ընկալումների համակարգը, որն անհրաժեշտորեն պետք է ուղված լինի մեր քաղաքացու, հասարակության և պետության զարգացմանը և հզորացմանը:

ՆՊԱՏԱԿԸ

6. Տարածաշրջանային թիվ 1 քոլեջը նպատակ ունի դառնալ բազմագործառությային համակարգի տարածման, զարգացման և իրականացման կենտրոն, պահպանել կրթական բարձր չափանիշներ և հնարավորություն տալ սովորողներին՝ լիարժեք կերպով իրացնելու իրենց ներուժը՝ տրամադրելով ժամանակակից պահանջները բավարարող ճկուն ուսումնական ծրագրեր:
7. Քոլեջի նպատակներից է նաև դառնալ ուսանողական կենտրոն կրթական միջավայր, որն իր շրջանավարտներին պատրաստում է ակտիվ հասարակական կյանքին և մասնագիտական կարիերային՝ գլոբալացված հասարակության և աշխատաշուկայի ժամանակակից պահանջմունքներին համապատասխան՝ նպաստելով կրթական ծառայությունների շուկայի ձևավորմանը և այդ շուկայում առաջարկվող ծառայությունների համապատասխանեցմանը ներկայումս արդեն իսկ ուրվագծվող ապագայի կենսական պահանջներին, դրանց բազմազանությունը թե՛ մատուցվող ծառայությունների բովանդակության և թե՛ ձևի (կադապարային տեսանկյունից) առումով:

ԽՆԴԻՐՆԵՐԸ

8. Առաքելության և նպատակների արդյունավետ իրականացման համար անհրաժեշտ է ուրվագծել միջին մասնագիտական ոլորտի մասին նոր պատկերացումներ, ճշտել այն խնդիրների ցանկը, որոնք պետք է պատրաստ լինի լուծել նոր տիպի քոլեջը՝ ժամանակակից աշխարհին համապատասխանող գիտելիքների կիրառման ձևերին տիրապետող պահանջարկ ունեցող մասնագետներ պատրաստելու համար: Միևնույն ժամանակ, պահպանելով և ամրապնդելով իր կայուն տեղը ՀՀ միջին

մասնագիտական կրթության համակարգում՝ ինտեգրվել և դառնալ միջազգային կրթական համակարգի նախաձեռնող և ակտիվ անդամներից մեկը:

9. Իրականացնել կրթական ծրագրերի կառուցվածքային և բովանդակային վերափոխում՝ մասնագիտությունների պետական կրթական չափորոշիչներին համապատասխան:
10. Կատարելագործել և հզորացնել որակի ներքին ապահովման համակարգը՝ եվրոպական չափորոշիչների պահանջներին համապատասխան:
11. Ստեղծել նպաստավոր պայմաններ և խթանող մեխանիզմներ՝ ուսումնառության, դասավանդման և գնահատման գործընթացների էական բարելավման համար:
12. Ապահովել տեղեկատվական տեխնոլոգիաների ընդլայնված և արդյունավետ օգտագործումը Քոլեջի ուսումնական գործընթացներում:
13. Շարունակել բարձրորակ դասախոսական կազմի ներգրավումը՝ նրանց տրամադրելով շարունակական կատարելագործման հնարավորություններ և ժամանակակից ու բարենպաստ աշխատանքային միջավայր, ինչպես նաև բարձրացնել Քոլեջի աշխատակիցների սոցիալական բավարարվածության մակարդակը:
14. Ստեղծել տեխնոլոգիապես հագեցած ժամանակակից ուսումնական և աշխատանքային միջավայր՝ բոլոր ուսանողների և աշխատողների արդյունավետ գործունեությունը խթանելու համար:
15. Բարելավել ուսումնական գործընթացի իրականացման նյութատեխնիկական պայմանները, զարգացնել և արդիականացնել Քոլեջի ուսումնական լաբորատոր բազան:
16. Տրամադրել բարձրորակ և արդյունավետ օժանդակ ծառայություններ, որոնք միտված են ուսանողների կրթական, մասնագիտական, մշակութային և սոցիալական կարիքների լիարժեք բավարարմանը՝ առավելագույնի հասցնելով ուսումնառությունը հաջողությամբ ավարտելու նրանց հնարավորությունները:
17. Ժամանակակից չափանիշներին համապատասխան վերափոխել և զարգացնել Քոլեջի տեղեկատվական բազան, ապահովելով տեղեկատվական ռեսուրսների արդյունավետ օգտագործումն ու մատչելիությունը:
18. Դառնալ ավելի նախաձեռնող Քոլեջի ֆինանսավորման այլընտրանքային աղբյուրների որոնման և դրանց բազմազանեցման հարցերում: Ներդաշնակեցնել ֆինանսական պլանավորումը Քոլեջի ռազմավարական նպատակներին և խնդիրներին:

19. Զարգացնել ուսանողական ինքնավարությունը, ավելի առարկայական դարձնել ուսանողների մասնակցությունը Քոլեջի կառավարմանը, նպաստել հաստատությունում գործող ուսանողական խորհրդի հզորացմանը:
20. Շարունակել Քոլեջի արտաքին կապերի համակողմանի զարգացման հզորացումը, էլ ավելի մեծացնել գործակցային կապերը աշխատաշուկայի՝ հիմնական գործատու կազմակերպությունների և հանրային կառույցների հետ: